



BULETIN


Bil. 2 / 2019 ISSN 1823 -3546

UTHM

Universiti Tun Hussein Onn Malaysia

www.uthm.edu.my

Mei - Ogos 2019




Naib Canselor UTHM Seru Warga Kampus Amal Budaya Endah Tingkat Mutu Perkhidmatan



**Projek Wakaf Prasarana:
UTHM bina laluan alternatif
ke Masjid Sultan Ibrahim**

ISSN 1823 - 3546



9 771823 354601



PENASIHAT

Prof. Madya Dr. Raja Zuraidah Raja Mohd Rasi

EDITOR

Dr. Elmy Johana binti Mohamad
Nor Azezee Ahmad

PENYELARAS / WARTAWAN

Suriyati Baharom

FOTOGRAFI

Mohd Faiz Abd Razak
Jaafar Muhammad

GRAFIK

Azrul Anuar Rahamat

PENERBIT

Pejabat Pemasaran dan Komunikasi Korporat

PENGUMUMAN:

Redaksi BULETIN UTHM mengucapkan setinggi-tinggi terima kasih kepada Fakulti/Pejabat/Pusat/Unit dan individu-individu yang telah menghantar sumbangan penerbitan BULETIN UTHM ini. Redaksi mengalu-alukan berita dari semua pihak untuk keluaran BULETIN UTHM yang seterusnya. Sumbangan rencana dan berita boleh dihantar kepada:

PENYELARAS BULETIN UTHM

Bahagian Komunikasi Korporat
Pejabat Pemasaran dan Komunikasi Korporat
Universiti Tun Hussein Onn Malaysia

KANDUNGAN

BERITA KAMPUS

03 Naib Canselor UTHM Seru Warga Kampus Amal Budaya Endah Tingkat Mutu Perkhidmatan

04 Projek Wakaf Prasarana: UTHM bina laluan alternatif ke Masjid Sultan Ibrahim

BICARA KOLUMNIS

12 Kreativiti menjana pendapatan: bantu pelajar tangani isu kos sara hidup di Universiti

AKTIVITI MAHASISWA

13 Program Setulus Kasih TNC HEPA 'Pasti Skor' bantu tingkatkan semangat pelajar

PENYELIDIKAN & INOVASI

16 UTHM raih 10 pingat di ITEX 2019

BERITA SUKAN

18 Pasukan Mendayung UTHM Barracuda tawan tasik Bukit Merah, rangkul Johan Keseluruhan

Tinta Editor

Assalamualaikum dan Salam Sejahtera...

Alhamdulillah..

Buletin UTHM dapat diterbitkan sekali lagi buat kali kedua bagi tahun 2019. Semoga naskhah ini dapat menjadi salah satu simpanan dalam merekodkan sejarah dan peristiwa untuk bacaan umum. Di sini pihak redaksi ingin kongsi sedikit coretan peristiwa yang berlaku sepanjang bulan Mei hingga Ogos 2019.

Naib Canselor Universiti Tun Hussein Onn Malaysia (UTHM), Profesor Datuk Ts. Dr. Wahid Razzaly dalam Majlis Refleksi Setengah Tahun UTHM pada 28 Julai lalu telah menyeru warga kampus untuk mengamalkan budaya ENDAH atau Care dalam melaksanakan tugas harian bagi meningkatkan lagi mutu perkhidmatan masing-masing serta demi mewujudkan suasana bekerja yang harmoni. Turut dibincangkan dalam majlis tersebut, laporan pencapaian Petunjuk Prestasi Utama (KPI) 2019 bagi setengah tahun yang mencatatkan beberapa rekod untuk perhatian dan tindakan seluruh warga.

Sekalung tahniah diucapkan kepada pasukan penyelidik UTHM kerana berjaya meraih 10 pingat ketika menyertai Pameran Rekacipta, Inovasi dan Teknologi Antarabangsa (ITEX) 2019 yang berlangsung pada 2 hingga 4 Mei lalu di Pusat Konvensyen Kuala Lumpur (KLCC). Pada tahun ini UTHM menghantar sebanyak 10 produk inovasi untuk dipertandingkan dan kesemuanya berjaya mendapat tempat dengan meraih empat pingat emas dan enam pingat perak. Moga kejayaan ini dapat menjadi inspirasi kepada penyelidik-penyelidik yang lain untuk terus mengukir kejayaan, syabas...

Kagum dengan keprihatinan yang ditonjolkan oleh Pejabat Timbalan Naib Canselor (Hal Ehwal Pelajar dan Alumni) kerana menganjurkan program Setulus Kasih TNC HEPA 'Pasti Skor' bagi menyantuni para pelajar pada minggu peperiksaan dengan pemberian makanan seperti pisang, roti dan air minuman selain kata-kata motivasi sebagai pendorong semangat. Semoga usaha seperti ini sedikit sebanyak dapat menenangkan mereka untuk menjawab peperiksaan.

Pasukan Mendayung UTHM Barracuda sekali lagi mengejutkan warga universiti dengan kejayaan merangkul Johan Keseluruhan bagi acara Mendayung Lelaki dan Perempuan di Karnival Sukan Air MASUM (Rowing dan Kayak) 2019. Pasukan ini berjaya membawa pulang empat pingat emas, satu perak dan satu gangsa di karnival yang berlangsung pada 20 hingga 25 Ogos lalu bertempat di Bukit Merah Laketown Resort. Tahniah diucapkan kepada atlet-atlet yang terlibat.

Akhir kata pihak Redaksi Buletin UTHM sangat berterima kasih kepada semua pembaca kerana masih menyokong penerbitan buletin rasmi universiti ini. Pihak kami sangat mengalu-alukan perkongsian maklumat dan berita daripada semua pusat tanggungjawab (PTJ) yang ada di UTHM ini. Khabarkan kepada kami dan kami akan kongsi aktiviti dan program yang dianjurkan oleh PTJ masing-masing kepada umum.

Sekian, Wassalam.

Naib Canselor UTHM Seru Warga Kampus Amal Budaya Endah Tingkat Mutu Perkhidmatan



Naib Canselor Universiti Tun Hussein Onn Malaysia (UTHM), Profesor Datuk Ts. Dr. Wahid Razzaqy menyeru warga kampus untuk mengamalkan budaya ENDAH atau Care dalam melaksanakan tugas harian bagi meningkatkan lagi mutu perkhidmatan masing-masing.

Beliau berkata demikian ketika berlangsungnya Majlis Refleksi Setengah Tahun UTHM pada 28 Julai lalu bertempat di Dewan Sultan Ibrahim, kampus induk UTHM. Majlis yang mengumpulkan warga UTHM kampus induk dan Kampus Cawangan Pagoh itu merupakan suatu wadah untuk Naib Canselor menyampaikan amanat dan visi beliau kepada warga universiti.

Dalam pertemuan kali ini, beliau menggunakan pendekatan manusiawi (human approach) dengan memberikan penekanan berkaitan peri penting sifat ENDAH dalam kalangan warga universiti. Beliau menggariskan enam aspek pengamalan budaya Endah yang mampu melonjak nama UTHM iaitu Endah terhadap Kualiti Kerja, Integriti dan Reputasi Universiti, Warga Orang Kelainan Upaya (OKU), Kesihatan, Kelestarian Sumber dan Khidmat Komuniti. Menurut beliau budaya Endah sekiranya disemai dan diamalkan dalam diri masing-masing, ia mampu mewujudkan suasana bekerja yang harmoni dalam kalangan warga UTHM sekaligus dapat meningkatkan

lagi produktiviti organisasi. Peningkatan produktiviti UTHM amat ditekankan oleh Naib Canselor bagi memastikan peranan universiti untuk masyarakat dapat dilaksanakan selari dengan hasrat Menteri Pendidikan, Dr. Maszlee Malik.

Nilai Endah merupakan satu daripada enam nilai utama UTHM (Core values) termasuklah nilai Cemerlang, Lestari, Kreatif dan Inovatif, Jujur dan Integriti serta Keterlibatan. Kesemua nilai ini seharusnya menjadi amalan bersama oleh semua warga universiti.

"Saya juga ingin mengingatkan semua agar mengamalkan sikap kerjasama dan bekerja secara berpasukan untuk mencapai impian dan sasaran tahunan yang telah ditetapkan" tambahnya lagi. Turut dibincangkan, laporan pencapaian Petunjuk Prestasi Utama (KPI) 2019 bagi setengah tahun yang mencatatkan beberapa rekod untuk perhatian dan tindakan seluruh warga.

Wahid dalam ucapannya juga turut merumuskan secara keseluruhannya, KPI Utama UTHM sehingga 30 Jun lalu menunjukkan pencapaian yang memberangsangkan, namun perhatian yang lebih perlu diberikan kepada kluster yang belum mencapai sasaran.

Projek Wakaf Prasarana: UTHM bina laluan alternatif ke Masjid Sultan Ibrahim



BATU PAHAT – Universiti Tun Hussein Onn Malaysia (UTHM) terus menzahirkan keprihatinannya kepada masyarakat dengan membina laluan alternatif dari Taman Universiti, Parit Raja ke Masjid Sultan Ibrahim yang bertempat di kampus induk.

Pembinaan laluan alternatif di bawah projek Wakaf Prasarana ini dilaksanakan bertujuan memudahkan penduduk setempat dan juga warga UTHM untuk ke Masjid Sultan Ibrahim bagi menunaikan solat dan mengikuti aktiviti keagamaan yang dianjurkan. Pelaksanaan projek ini juga adalah sebagai tanda keprihatinan UTHM dalam memastikan keperluan masyarakat yang ingin menunaikan ibadah di masjid tersebut dapat dipenuhi.

Projek yang dianggarkan menelan belanja sebanyak RM351,000 ini akan melibatkan kerja-kerja infrastruktur seperti memampatkan tanah, merata dan melebarkan jalan termasuklah kerja-kerja pembinaan pos pengawal keselamatan untuk kawasan parkir di sekitar masjid.

Upacara Pecah Tanah ini telah disempurnakan oleh Dato' (Dr.) Hj. Nooh Gadot, Ahli Lembaga Pengarah Universiti merangkap Penasihat Wakaf UTHM pada 28 Julai lalu. Upacara tersebut turut disaksikan oleh Profesor Datuk Ts. Dr. Wahid Razzaly, Naib Canselor UTHM dan Encik Adzlan Hj. Raju, Setiausaha Sulit Timbalan Menteri Wilayah Persekutuan merangkap Ahli Parlimen Sri Gading.

Menurut Hj. Nooh Gadot, projek wakaf ini merupakan satu ibadah mulia yang menjanjikan ganjaran pahala yang besar kepada umat Islam. Selain sebagai sedekah jariah untuk bekalan akhirat, pelaksanaan



projek ini juga akan memudahkan masyarakat untuk pergi menunaikan solat di masjid.

"Saya berharap projek ini dapat dijalankan dengan telus dan mematuhi masa yang ditetapkan bagi memudahkan masyarakat setempat menunaikan ibadah tanpa perlu melalui jalan utama yang agak sibuk dan berisiko tinggi," tambahnya lagi.

Hadir sama ke upacara tersebut, Profesor Madya Dr. Afandi Ahmad, Timbalan Naib Canselor (Hal Ehwal Pelajar & Alumni), Profesor Dr. Ahmad Tarmizi Abd Karim, Penolong Naib Canselor (Perancangan Strategik dan Perhubungan Korporat), Profesor Sr. Dr. Wan Zahari Wan Yusoff, Pengarah Pusat Endowmen dan Wakaf UTHM, warga kampus serta penduduk Taman Universiti.

UTHM imarahkan Ramadan dengan aktiviti kebajikan

Universiti Tun Hussein Onn Malaysia (UTHM) telah menganjurkan pelbagai aktiviti kebajikan bagi mengimarahkan lagi bulan Ramadan yang penuh keberkatan bagi umat Islam ini.

Prihatin dengan kebajikan pelajarannya, universiti ini mengadakan majlis berbuka puasa percuma atau dikenali sebagai Majlis Iftar Jamaie Ramadan anjuran Masjid Sultan Ibrahim dengan kerjasama Rakan Masjid UTHM serta kru Ramadan. Majlis berbuka puasa hasil sumbangan orang ramai ini diadakan pada setiap hari Ahad hingga Khamis di sepanjang bulan Ramadan ini, melibatkan kehadiran kira-kira 1000 orang pengunjung.

Selain majlis berbuka, UTHM juga mengadakan program bubur lambuk untuk diagihkan kepada warga universiti. Aktiviti menyediakan dan mengagihkan kira-kira 1000 bungkus bubur lambuk ini diadakan pada setiap hari Rabu sepanjang Ramadan ini.

Di samping itu, UTHM melalui inisiatif Pusat Islam juga turut menyalurkan bantuan aidilfitri ke Kemboja dengan mengagihkan makanan dan barangan keperluan kepada masyarakat Islam di sana sebagai persediaan menyambut hari lebaran yang bakal tiba.

Kelab dan persatuan di bawah naungan UTHM juga tidak melepaskan peluang untuk turut sama melaksanakan aktiviti kebajikan yang melibatkan warga universiti dan komuniti setempat.

Antaranya Persatuan Pegawai Tadbir dan Iktisas (PENTAS) sedang giat menjalankan Program Infak Ramadan PENTAS 2019 dengan menyantuni golongan asnaf, ibu tunggal, pengidap penyakit kronik dan OKU di beberapa buah kampung sekitar Batu Pahat. Sukarelawan PENTAS yang mewakili para penyumbang mengagihkan bantuan berupa makanan sebagai persiapan menyambut aidilfitri yang bakal tiba. Turut menerima sumbangan, beberapa pekerja pembersihan warga emas yang bekerja di sekitar kampus.

Tidak ketinggalan juga dengan kelab pelajar iaitu Kelab Warisan yang turut menyantuni golongan miskin dan anak-anak yatim dengan menyalurkan bantuan raya bagi



menceriakan lagi sambutan hari lebaran akan datang. Sukarelawan kelab ini komited mengagihkan barangan makanan kepada golongan yang memerlukan dan turut membawa keluar sekumpulan anak-anak yatim untuk membeli pakaian dan kasut raya di pasaraya terpilih.

Sementara itu bagi mengambil keberkatan di bulan Ramadan ini, Pusat Endowmen dan Wakaf, UTHM di bawah program Agihan Manfaat Wakaf, Dana Wakaf Tunai Pendidikan pula baru-baru ini telah mengagihkan sumbangan kepada 40 pelajar fakir. Sumbangan tersebut dibuat dalam satu majlis sempena sambutan Nuzul dan Khatam Al-Quran serta Iftar perdana yang berlangsung pada 22 Mei lalu bertempat di Masjid Sultan Ibrahim. Majlis tersebut turut menyaksikan penyampaian tajaan yuran pengajian untuk dua pelajar miskin bagi mengurangkan beban kewangan mereka dalam usaha meneruskan pengajian.

Inisiatif yang dilakukan oleh UTHM ini diharap dapat merapatkan lagi hubungan universiti dengan komuniti selari dengan hasrat Kementerian Pendidikan Malaysia (KPM) yang menginginkan peranan universiti diperluaskan dengan penerapan konsep "Universiti untuk Masyarakat."

Melalui program amal seumpama ini juga, pihak universiti berharap dapat mendidik warganya untuk lebih prihatin, bertanggungjawab dan bersikap endah antara satu sama lain bagi melahirkan modal insan yang cemerlang di dunia dan akhirat.



Majlis Sambutan Hari Raya UTHM 2019 disambut meriah

BATU PAHAT, 23 Jun – Majlis Sambutan Hari Raya Aidilfitri Universiti Tun Hussein Onn Malaysia (UTHM) tahun ini disambut meriah oleh warga universiti dan tetamu jemputan yang berkunjung ke perkarangan Perpustakaan Tunku Tun Aminah, kampus induk, hari ini.

Majlis anjuran Pejabat Pendaftar, UTHM dengan kerjasama semua pusat tanggungjawab (PTJ) ini menyediakan lebih 15 jenis juadah enak seperti ketupat, rendang, kambing golek, laksa, cendol, dan satay.

Bagi merapatkan lagi ukhwah yang sedia terjalin, Pengerusi Lembaga Pengarah UTHM (LPU), Dato' Dr. Mohd Sofi Osman bersama Ahli-ahlinya dan juga Naib Canselor, Profesor Datuk Ts. Dr. Wahid Razzaly mengadakan lawatan ke setiap gerai yang tersedia di samping turut beramah mesra dengan warga universiti.

Hadirsamake majlis tersebut, Pengerusi Jawatankuasa Pendidikan, Sumber Manusia, Sains dan Teknologi Negeri Johor merangkap ADUN Parit Yaani, YB. Aminolhuda Hassan; Ahli-ahli LPU, Timbalan-timbalan Naib Canselor UTHM dan Pegawai-pegawai Kanan Universiti.

ADUN Parit Yaani, Aminolhuda Hassan yang mewakili kerajaan Johor dalam ucapannya mengucapkan Selamat Hari Raya Aidilfitri kepada kepimpinan dan seluruh warga UTHM.

Beliauturutmengingat kanpelajarUTHM agartidak lupa menggalas amanah yang dipertanggungjawabkan dengan sebaik mungkin.

“Para pelajar perlu berusaha bersungguh-sungguh dan tidak mensia-siakan peluang belajar di sini agar kelak dapat bergraduasi dengan cemerlang sekali gus dapat menjadi pemangkin kepada negara,” katanya.

Bagi memeriahkan lagi suasana, para tetamu yang hadir turut dihiburkan dengan persembahan lagu-lagu raya oleh kumpulan yang dijemput khas dari Pusat Kebudayaan, UTHM.

Untuk rekod, majlis sambutan hari raya ini diadakan saban tahun bagi merapatkan lagi hubungan antara pihak kepimpinan dan warga universiti. Penganjuran majlis seumpama ini secara tidak langsung dapat menyemai semangat perpaduan dan kemuafakatan antara satu sama lain.



Kolaborasi FPTV-FTK martabatkan TVET, perkenal Program Sarjana Muda Teknologi

TAWARAN PROGRAM IJAZAH SARJANA MUDA TEKNOLOGI SESI AKADEMIK 2019/2020

UNIVERSITI TUN HUSSEIN ONN MALAYSIA

SYARAT KELAYAKAN

LEPASAN DVM

LEPASAN DKM/DLKM

MINIMUM CGPA 2.00

LULUS SVM 3 KREDIT SPM DENGAN LULUS:

- 1 PNGK AKADEMIK SAMA/LEBIH 2.00
- 2 KEPUJIAN DALAM BAHASA MELAYU SVM KOD 1104
- 3 PNGK VOKASIONAL SAMA/LEBIH 2.67
- 4 KOMPETEN SEMUA MODUL VOKASIONAL

DAN

LULUS SEJARAH 1251 BAGI SVM 2013 KE ATAS

MUET TAHAP 1

Calon TIDAK mempunyai ketidakupayaan fizikal anggota dan TIDAK BUTA WARNA sehingga menyukarkan kerja-kerja amali

Dibuka 31 Julai hingga 09 Ogos 2019

Sila layari <http://upu.moe.gov.my>

Program ini direkabentuk khusus untuk pelajar lepasan DVM/ DKM/ DLKM

#uthmjohor
Connect to UTHM

Facebook Twitter Instagram LinkedIn Flickr @UTHMJohor
www.uthm.edu.my

Batu Pahat - Fakulti Pendidikan Teknikal dan Vokasional (FPTV) dan Fakulti Teknologi Kejuruteraan (FTK), Universiti Tun Hussein Onn Malaysia (UTHM) bakal menerima kemasukan pelajar aliran lepasan Diploma Vokasional Malaysia (DVM), Diploma Kemahiran Malaysia (DKM) dan Diploma Lanjutan Kemahiran Malaysia (DLKM) daripada pelbagai saluran institusi penyedia TVET September ini.

Untuk rekod, Kementerian Pendidikan Malaysia (KPM) sebelum ini telah mengambil beberapa inisiatif untuk memartabatkan TVET sebagai pemacu pembangunan dan kemajuan negara antaranya dengan menawarkan program Sarjana Muda Teknologi (Bachelor of Technology – B.Tech.) menerusi Rangkaian Universiti Teknikal Malaysia (MTUN).

FPTV dan FTK menyambut baik inisiatif tersebut dengan memperkenalkan enam kursus baharu di bawah program Sarjana Muda Teknologi bagi tahun 2019-2020 Sarjana Muda Teknologi Pembinaan Bangunan dengan Kepujian iaitu Sarjana Muda Teknologi Penyelidikan dan Penyamanan Udara dengan Kepujian (FPTV), Sarjana Muda Teknologi Automasi Elektronik Industri dengan Kepujian (FPTV), Sarjana Muda Teknologi Sistem Penyelenggaraan Elektrik dengan Kepujian (FPTV), Sarjana Muda Teknologi Kimpalan dengan Kepujian (FPTV), Sarjana Muda Teknologi Perkhidmatan Makanan dengan Kepujian (FPTV) serta Sarjana Muda Teknologi Keselamatan dan Kesihatan Pekerja dengan Kepujian (FTK).

Menurut Dekan FPTV, Profesor Madya Ts. Dr. Abdul Rasid Abdul Razzaq kelebihan yang dimiliki oleh program ini ialah pembangunan kurikulumnya telah dibangunkan bersama lima kapten industri dalam setiap bidang bagi memastikan pelajar bakal mampu mempelajari ilmu sebenar di industri dengan konsep job application learning.

Tambah beliau lagi, pelaksanaan program adalah berkonsepkan mod industri yang mana pengajiannya dilaksanakan selama tiga tahun enam bulan.

"Pihak pengurusan FPTV turut bekerjasama dengan penggiat utama industri seperti SIEMENS (M) Sdn Bhd, FESTO (M) Sdn Bhd, VACUUMSCHMELZE (M) Sdn Bhd, Hard Rock Hotel Desaru Coast, Adventure Waterpark Desaru Coast, Lakeview Terrace Hotel, Prihoda Malaysia Sdn Bhd, ACSON Malaysia Sales & Services Sdn Bhd, Gemilang M&E Sdn Bhd, LTC Building Services Sdn Bhd, Fiscal Digest Sdn Bhd dan TWI Technology (S.E.Asia) Sdn. Bhd. bagi menempatkan para pelajar program Sarjana Muda Teknologi di industri dengan tempoh masa dua setengah tahun di universiti dan satu tahun di industri.

"FPTV akan sentiasa menyokong hasrat kerajaan untuk memberi nafas baharu kepada aliran TVET Malaysia sekali gus mengangkat martabat TVET sebagai aliran pendidikan perdana dan bukan lagi alternatif kelas kedua sebagaimana persepsi negatif sesetengah pihak sebelum ini," tambahnya lagi.



UTHM terima 666 kemasukan pelajar diploma sesi 2019/2020



PAGOH – Universiti Tun Hussein Onn Malaysia (UTHM) menerima kemasukan 666 pelajar baharu bagi program diploma pada hari pertama pendaftaran yang berlangsung pada 30 Julai lalu bertempat di Kampus Cawangan Pagoh.

Pendaftaran kali ini menyaksikan jumlah pelajar lelaki yang mendaftar adalah seramai 442 orang manakala 224 lagi merupakan pelajar perempuan.

Pendaftaran pelajar baharu tersebut melibatkan tiga lokasi iaitu Kolej Kediaman Pagoh 1 seramai 394 orang, Kolej Kediaman Pagoh 2 seramai 160 pelajar dan Kolej Kediaman Pagoh 3 pula seramai 112 orang.

Timbalan Naib Canselor, Hal Ehwal Pelajar dan Alumni; Profesor Madya Dr. Afandi Ahmad bersama Provost UTHM Kampus Cawangan Pagoh, Profesor Dato Dr. Abdul Razak Haji Omar turut hadir ke lokasi pendaftaran untuk beramah mesra dengan ibu bapa yang hadir menemani anak-anak mereka.

Abdul Razak ketika ditemubual menyatakan harapannya kepada pelajar-pelajar baharu supaya tidak melepaskan peluang untuk menimba ilmu di universiti ini sebaik mungkin.

“Universiti merupakan sebuah gedung ilmu yang mana para penuntutnya perlu merebut peluang untuk mengaut sebanyak mungkin pengetahuan bagi meraih kecemerlangan,” katanya.

Tambahnya lagi, pihak universiti akan sentiasa membantu dan berusaha menjadikan kampus cawangan ini sebagai sebuah Pusat Pembangunan Perbandaran Pagoh sekali gus mampu menjana ekonomi setempat agar terus berkembang maju.

Antara pelajar yang ditemui semasa Minggu Transformasi Mahasiswa, Syaza Nurbatrisya Mohd Razif, 18 ketika ditemubual menyatakan dia memilih kursus kejuruteraan awam di universiti ini kerana mempunyai minat yang mendalam selain mendapat sokongan penuh daripada keluarga.

“Saya bercita-cita untuk menjadi seorang arkitek dan ingin merealisasikan harapan kedua ibu bapa yang ingin melihat saya berjaya dalam kerjaya yang diceburi. Menimba ilmu di UTHM adalah sebagai permulaan kepada saya yang berhasrat mahu menyambung pelajaran ke peringkat lebih tinggi mungkin sehingga ke luar negara dalam bidang yang sama,” kata anak kelahiran Kuala Lumpur ini. Eemersson Kissol, 18 dari Sabah pula berkata walaupun negeri Johor agak jauh daripada tempat kelahirannya, ia langsung tidak menjadi halangan untuk dia meneruskan cita-cita menjadi seorang jurutera yang profesional.

“Saya hadir ke Johor hanya bersama abang sulung yang banyak memberi sokongan dan motivasi kepada saya untuk menyambung pengajian di universiti ini dan berguru dengan tenaga pengajar yang profesional dalam bidang masing-masing,” katanya.

Bagi Tarvimraj Subramaniam, 20, yang berasal dari Johor memilih UTHM kerana baginya universiti ini adalah satu pilihan yang tepat dan merupakan pilihan keluarga juga. Program kejuruteraan awam di UTHM sangat relevan dan menepati keperluan industri.

“Impian saya untuk menjadi seorang jurutera awam bukan kerana populariti dan pendapatan lumayan semata tapi saya sangat tertarik dengan kejuruteraan awam sejak kecil lagi,” katanya.

Para pelajar yang baharu mendaftar ini diwajibkan mengikuti Minggu Transformasi Mahasiswa (MTM) yang dijalankan selama seminggu. Antara pengisian MTM adalah Sesi Bersama Kepimpinan Negara dan Kepimpinan Universiti, Sesi Bersama Timbalan Naib Canselor (Hal Ehwal Pelajar dan Alumni), Provost dan Majlis Perwakilan Pelajar (MPP) selain beberapa sesi taklimat seperti Taklimat Pengenalan Universiti, Taklimat Pusat Teknologi Maklumat, Taklimat Pinjaman Pendidikan, Perpustakaan, Tatatertib Pelajar dan juga Keselamatan.

Program Ibadah Korban dan Aqiqah Antarabangsa Kemboja 1440H/2019M



Sebanyak 22 ekor lembu ditumbangkan melalui program Ibadah Korban dan Aqiqah peringkat antarabangsa yang berlangsung pada 13 hingga 15 Ogos lalu bertempat di Kampong Chhnang, Kemboja.

Program anjuran Pusat Islam, Universiti Tun Hussein Onn Malaysia (UTHM) ini telah dilaksanakan oleh tujuh sukarelawan dari pelbagai agensi dan orang perseorangan yang diketuai Ustaz Mohamad Shahrir Abdul Mutalib, Imam Masjid UTHM.

Selain melaksanakan Ibadah korban dan aqiqah, beberapa aktiviti lain turut diatur sepanjang tiga hari program berlangsung termasuk aktiviti menziarahi perkampungan umat Islam, menyertai majlis tahnik dan majlis sumbangan wakaf, zakat dan infaq.

Pada hari pertama para sukarelawan melakukan sembelihan dua ekor lembu serta menyampaikan sumbangan kepada asnaf yang memerlukan di Kampong Chhnang.

Manakala pada hari kedua pula, sebanyak 20 ekor lembu ditumbangkan secara bergotong royong bersama penduduk kampung bagi menyempurnakan ibadah korban dan aqiqah. Daging korban dan aqiqah tersebut dijadikan jamuan untuk penduduk kampung Chhnang dan kampung-kampung lain di sekitarnya. Turut hadir ke jamuan tersebut pegawai-pegawai kerajaan Kemboja dan pihak berkuasa tempatan.

Selain menyempurnakan ibadah korban, para sukarelawan terlibat turut menziarahi dan menyantuni penduduk sekitar serta menyampaikan sumbangan kepada asnaf dan golongan fakir dan miskin.

Selain itu, peserta sukarelawan turut dibawa ke masjid utama di Kemboja iaitu Masjid Al-Serkal yang terletak di bahagian utara Pusat Bandar Phnom Pehn. Untuk rekod,



masjid yang dibuka pada tahun 1968 ini dibina hasil daripada wakaf oleh keluarga Al Serkal dari United Arab Emirates. Masjid tersebut telah dibangunkan semula oleh kerajaan United Arab Emirates dan dibuka kepada umum tahun 2014. Sehingga kini, masjid tersebut menjadi salah satu tarikan umat Islam dan para pelancong dari seluruh dunia.

Menurut salah seorang peserta misi, Mohd Azizi Shamsudin program ini telah memberi impak yang besar dan bermanfaat kepada hubungan kerjasama dua hala antara Malaysia dan Kemboja.

"Sumbangan daripada semua pihak sama ada berupa wang tunai atau barangan diuruskan dengan sebaiknya oleh para sukarelawan yang terlibat dalam misi kemanusiaan tersebut.

"Kami mewakili pihak universiti mengucapkan ribuan terima kasih kepada semua para penyumbang dan pewakaf yang menjayakan ibadah korban dan aqiqah ini serta semua yang terlibat sama ada secara langsung dan tidak langsung," tambahnya lagi.

UTHM DI AKHBAR

BERITA KAMPUS | VARSITI 5

UTHM budayakan amalan wakaf

Penganjuran seminar rancang aktiviti jana ekonomi

Oleh Mohd Khairul Anam Md Khairul Anam
khairul.anam@bkk.com.my

Batu Pahat: Universiti Tun Hussein Onn Malaysia (UTHM) komited menggalakkan budaya wakaf dalam kalangan masyarakat melalui penganjuran seminar 'Meninggah Hiti Pengurusan Wakaf Institusi Pendidikan' yang diadakan di sini, baru-baru ini.

Program ini membahagikan kepada dua bahagian iaitu Wakaf UTHM, Jabatan Wakaf dan Hiti (JAWAHIT), Jabatan Perdana Menteri serta Majlis Agama Islam Negeri Johor.

Majlis persembakan program bersempena dengan Persekitaran Wakaf UTHM merangka Abil Lumbah Pengurusan Wakaf UTHM, Datuk Dr. Noor Khadijah.

Noor berkata, UTHM telah melaksanakan program Wakaf UTHM sejak dari tahun 2010, di mana dapat terkumpul dan dimanfaatkan bagi aktiviti serta kebajikan pelajar.

"Dana wakaf yang terkumpul akan diarahkan kepada pelajar untuk membiayai pendidikan, bimbingan, latihan, dan pembangunan, dan seterusnya akan memberi manfaat kepada masyarakat," katanya ketika berucap pada majlis itu.

Yang turut hadir ialah Timbalan Ketua Pengarah JAWAHIT, Datuk Ismail.

Penganjuran seminar ini bertujuan memberi knowledge dan pendidikan kepada institusi pendidikan khususnya di Johor dan Melaka untuk melaksana wakaf serta merencanakan lagi aktiviti pendidikan bersempena wakaf.

Pada masa sama, bagi menggalakkan institusi pendidikan terhadap amalan ekonomi, media ini aktif wakaf, sekali lagi mengemukakan keberkesanan dana daripada wakaf.

Semua empat panel membentangkan kertas kerja masing-masing mengenai wakaf yang telah berkaitan pengurusan wakaf model pendirian rumah.

Merka terdiri daripada Abil Lumbah Pengurusan Wakaf UTHM, Prof Dr. Wan Zahari Wan Yusoff dan Pegawai Pasai Pengurusan Wakaf, Zakat dan Endowment (WAZAN) Universiti Putra Malaysia (UPM), Nurfarman Ibrahim.

Dr. Noor (empat dari kanan) menyempurnakan penganjuran dan produk wakaf bersama UTHM dan Wakaf UTHM, Prof Dr. Wan Zahari Wan Yusoff dan Pegawai Pasai Pengurusan Wakaf, Zakat dan Endowment (WAZAN) Universiti Putra Malaysia (UPM), Nurfarman Ibrahim.

KAMPUS UOLS

UTHM tunjukkan kejayaan hoki cari bakat baharu untuk pasukan kebangsaan

SURIA YATI BAHAROM, UTHM Insan | 22 Julai 2019



BATU PAHAT - Kelab Hoki Universiti Tun Hussein Onn Malaysia (UTHM) menganjurkan Kejohanan Hoki 6's terbuka bawah 11 tahun edisi ketiga, Piala YB Datuk Dr. Shahrudin Md Salleh pada 12 hingga 14 Jun lalu bertempat di Padang Hoki, kampus induk.

Menurut Pengarah Program, Indra Shahril Omar, objektif utama kejohanan adalah untuk mengasah bakat pemain hoki bawah 11 tahun serta sebagai usaha memajukan lagi sukan hoki di Malaysia.

"Kejohanan ini dianjurkan bertujuan untuk mengasah bakat pemain selain mengenal pasti pemain-pemain yang mempunyai kebolehan untuk dijadikan pelapis kepada pasukan kebangsaan," katanya.

Tambahan lagi, pihaknya mahu anak muda sentiasa aktif dalam permainan hoki dan dapat mewakili negeri masing-masing pada masa akan datang.

Sebanyak 74 pasukan terdiri daripada 38 pasukan lelaki dan 36 perempuan yang datang dari negeri Johor, Melaka, Negeri Sembilan, Pahang, Selangor, Wilayah Kuala Lumpur dan Pulau Pinang bertanding untuk Piala YB Datuk Dr. Shahrudin Md Salleh, bersama hadiah keseluruhan RM6,400.

Kejohanan ini dibahagikan kepada tiga kategori iaitu kategori individu, Silver Pool dan Gold Pool.

Kejohanan ini menyaksikan MBPJ Black Widow A (lelaki) dan MBPJ Black Widow (perempuan) meraih johan bagi kategori Gold, manakala kategori Silver pula diraih ST JOHN 2 bagi kategori lelaki dan Keratong Girls bagi kategori perempuan.

Beberapa anugerah khas seperti Penjarang Gol Terbanyak, Penjaga Gol Terbaik dan Pemain Terbaik turut diberikan kepada para pemain yang terpilih.

Menurut Pemain Terbaik kategori individu, Naufal Hazim Surwardi, kejohanan pada kali ini merupakan satu cabaran kepadanya kerana terlalu ramai pemain lain yang hebat di padang sehingga dia terpaksa mempraktikkan segala teknik dan kemahiran yang diajar gurunya.

"Tahun ini banyak pemain-pemain hebat, saya cuba sedaya upaya untuk fokus dan gunakan teknik-teknik yang diajar oleh jurulatih bagi memunculkan lawan dan akhirnya saya berjaya juga mendapatkan tempat untuk pasukan dan sekolah saya," katanya.

Untuk rekod, kejohanan ini merupakan anjuran bersama Pejabat Pendidikan dan Pusat Sukan UTHM, Pejabat Abil Parlimen Sri Gading, Batu Pahat, Johor serta Persatuan Hoki Johor.

New Straits Times | WEDNESDAY, JULY 3, 2019

HIGHER ED / campus news

RICANA SANI

ricana.sani@nsm.com.my

UTHM to get own flight school



With this initiative, students in our aeronautical engineering programme can soon take their licensing training at AATA.



Artist impression of UTHM's airport in Tanjung Laboh, Batu Pahat.

UTHM is in the process of getting approval from the Civil Aviation Authority of Malaysia (CAAM) to establish a flight school at its Tanjung Laboh campus. The school will offer a Bachelor of Aeronautical Engineering Technology (Professional Pilot) degree.

Semai minat pelajar minati dunia keusahawanan, STEM

Pago: Fakulti Sains, Teknologi dan Teknologi (FAST) Universiti Tun Hussein Onn Malaysia (UTHM) menjalin kerjasama dengan Pejabat Pendidikan Daerah (PPD) Muar melalui pelaksanaan program khidmat komuniti FAST-STEMpreneurship 1.0 yang diadakan, di sini, baru-baru ini.

Program empat hari itu disertai mahasiswa UTHM dan pelajar sekolah rendah serta menengah sekitar Daerah Muar terdiri daripada peringkat prasekolah hingga menengah atas.

Majlis penutupan program itu disempurnakan Dekan FAST, Prof Madya Dr. Mohd Kamarulzaki Mustafa.

Penyalaran program, Ts Dr Faridah Kormin berkata, bagi menghadapi dunia pekerjaan kelak, pelajar perlu diberi kemahiran alternatif supaya mereka lebih berdaya dan mampu menajana pendapatan sendiri melalui pengetahuan dimiliki.

Katanya, pemerkasaan konsep inovasi dan aplikasi dalam mata pelajaran Sains, Teknologi, Kejuruteraan dan Matematik (STEM) bagi tujuan pengkomersialan mampu mendidik pelajar agar lebih berdaya.

Potensi luas

"Penganjuran program ini membuktikan konsep STEM amat luas dan sekiranya dikembangkan dengan sebaiknya, pelbagai cabang perniagaan boleh diterokai. "Penerapan komuniti setempat juga diharap dapat memberi kesan berkesan berkaitan STEM dengan lebih menyeluruh meliputi pelbagai peringkat umur," katanya.

Bidang STEM turut memiliki potensi luas, terutama berkaitan pesat dan berupaya menawarkan banyak peluang perniagaan baharu seiring dengan perkembangan sains serta teknologi masa kini.

Pelbagai pengisian bermanfaat dilaksanakan pada program berkenaan bertujuan untuk mendidik dan menyemai minat pelajar terhadap STEM serta dunia keusahawanan secara lebih dekat.

Antara aktiviti yang dianjurkan seperti Science Fun, Science Creative dan Science Art yang menguji kreativiti peserta menggunakan fenomena fizik asas seperti penerapan konsep daya, tekanan suhu serta tenaga kinetik melalui aktiviti mudah yang sesuai dengan peringkat umur mereka.

Panel Teknologi Makanan FAST UTHM mempromosikan produk ciptaan yang berpotensi dikomersialkan pada program khidmat komuniti FAST-STEMpreneurship 1.0 di Pago, baru-baru ini.

KAMPUS UOLS

Pusat Endowment dan Wakaf UTHM agih sumbangan kepada penuntut faki

SURIA YATI BAHAROM, UTHM Khamis | 30 Mei 2019



BATU PAHAT - Pusat Endowment dan Wakaf, Universiti Tun Hussein Onn Malaysia (UTHM) di bawah program agihan makanan Wakaf, Dana Wakaf Tunai Pendidikan UTHM telah menyerahkan sumbangan hari raya kepada 40 penuntut faki pada 22 Mei lalu bertempat di Masjid Sultan Ibrahim kompleks induk.

Sumbangan sebanyak RM4,000 ini diagihkan bagi menyempurnakan hasrat dan niat pewakaf terdahulu yang telah membuat sumbangan selagi sebagai usaha untuk menghayati dan mendapat keberkatan pada bulan yang mulia ini.

Selain itu bagi mengimarahkan lagi Ramadan kali ini, Pusat Endowment dan Wakaf turut menyempurnakan tajwan yuran pengajian anak dua penuntut miskin berjumlah RM3,520. Sumbangan yuran ini juga dirampas manfaat Tabung Endowment yang bertujuan mengurangkan beban kewangan penuntut bagi memastikan mereka dapat meneruskan cita-cita masing-masing.

Penerima sumbangan ialah Cik Mohammad Zairin Cik Harun, penuntut tahun empat Fakulti Kejuruteraan Mekanikal dan Pembuatan (FKMP) yang berasal dari Tumpat, Kelantan. Bapanya tidak dapat meneruskan

tanggungjawab mencari rezeki setelah disahkan mengidap penyakit Epilepsy. Kumpulan kewangan yang dihidapi keluarganya memaksa Zairin tidak dapat meneruskan pengajiannya.

Manakala anak kelahiran Johor Mohamed Hafiz Abdullah, juga penuntut tahun empat FKMP turut dikenal pasti tidak berkemampuan meneruskan pengajian kerana kesempitan kewangan lantaran kerana keluarganya terpaksa menanggung kos perubatan bagi merawat ibunya yang menghidap sakit buah pinggang.

"Semoga sedikit bantuan pembayaran yuran kepada kedua-dua penuntut cemerlang ini dapat mendorong mereka untuk menamatkan pengajian masing-masing dengan cemerlang," kata Profesor Sr. Dr. Wan Zahari Wan Yusoff, Pengarah Pusat Endowment dan Wakaf.

Penyerahan sumbangan telah disampaikan Sahibul Samahun Tuan Haji Ahmad Faisal Mohamed, Timbalan Mufti Johor bersempena sambutan Majlis Nuzul dan Khatam A-Quran lalu.

Hadir sama dalam majlis tersebut Profesor Ts Dr. Wahid Razzaqy, Naib Canselor UTHM serta pegawai-pegawai kanan universiti.

Untuk rekod, Pusat Endowment dan Wakaf UTHM ditubuhkan bertujuan untuk memberi bantuan kewangan, bimbingan dan tajaan aktiviti keajaiban kepada penuntut yang berkelayakan bagi mengurangkan beban kos hidup dihidapi.

Justeru, Pusat Endowment dan Wakaf amat mengalu-alukan pewakaf dan dermawan yang berminat untuk bersama-sama menyumbang kepada Dana Wakaf dan Endowment UTHM bagi melebarkan lagi aktiviti keajaiban sebagaimana matakam pembukhanya.

"Marilah sama-sama kita menyumbang kepada Tabung Wakaf dan Endowment bagi memastikan masa depan anak-anak kita terus maju dan cemerlang," tambah Wan Zahari.

Para dermawan boleh melayari laman sesawang <https://iwakaf.uthm.edu.my/index.php> untuk mendapatkan maklumat lanjut.

BERITA | MALAYSIA
<http://www.astroawani.com/berita-malaysia/uthm-mahu-kuota-sedia-ada-program-matrikulasi-dikekalkan-208307>

UTHM mahu kuota sedia ada program matrikulasi dikekalkan

Bername | 23 Mei 2019 05:00 MYT



Menurut Wahid (kini), isu ini tidak perlu diperbesarkan kerana selain matrikulasi terdapat beberapa laluan alternatif lain ke institut pengajian tinggi. --fotobername/fail

BATU PAHAT: Universiti Tun Hussein Onn Malaysia (UTHM) mahu kuota sedia ada untuk program matrikulasi dikekalkan bagi membolehkan pelajar-pelajar bumiputera memasuki institusi pengajian tinggi.

Naib Canselor UTHM Prof Dr. Wahid Razzaqy berkata sebagai salah sebuah institusi pengajian tinggi negara, UTHM akan sentiasa membantu negara mencapai agenda nasional iaitu memperbetulkan ketidakseimbangan ekonomi melalui wadah pendidikan terutamanya dalam bidang sains, teknologi dan profesional.

Beliau berkata waja universiti itu menyokong penuh pendirian Kementerian yang ingin mengekalkan kuota masuk ke universiti

Bumiputera dan bukan Bumiputera bagi program Matrikulasi Kementerian Pendidikan Malaysia (KPM).

"Semua pihak perlu berunding mencari persetujuan bersama bagi mengenalpasti laluan alternatif lain yang boleh menarik pelajar menceburi pendidikan yang berkonsepkan pembelajaran sepanjang hayat bagi mengelakkan keceiran.

"Isu ini tidak perlu diperbesarkan kerana terdapat beberapa laluan alternatif lain ke institut pengajian tinggi antaranya melalui program asasi, Sijil Tinggi Pelajaran Malaysia (STPM) dan juga diploma," katanya menerusi kenyataan, pada Rabu.

Menurut Wahid, terkini UTHM dilantik oleh Agensi Kelayakan Malaysia (MQA) sebagai Pusat Penilaian Pengakreditasi Pembelajaran Berasaskan Pengalaman Terdahulu (Accreditation of Prior Experiential Learning) iaitu sebagai sebuah pusat yang menyaring kelayakan individu bekerja yang berhasrat menyambung pengajian ke peringkat Sarjana Muda di mana-mana institut pengajian tinggi tempatan.

"Laluan ini memberi ruang dan peluang kepada individu bekerja yang tidak mengikuti sebarang program asasi atau matrikulasi untuk melanjutkan pengajian ke peringkat yang lebih tinggi," katanya.

-- BERNAMA

KERJASAMA BIDANG AKADEMIK, MIKROPEMROSES

Sebagai tanda sokongan kepada bidang Sains, Teknologi, Kejuruteraan dan Matematik (STEM), Universiti Tun Hussein Onn Malaysia (UTHM) menjalin kerjasama bersama STMicroelectronics Sdn Bhd (STM) dengan memfokuskan bidang akademik dan penyelidikan mikropemproses serta aplikasi Internet of Things (IoT).

Bagi merealisasikan kolaborasi ini, satu majlis memandangkan perjanjian persefahaman (MoU) diadakan baru-baru ini bertempat di Perpustakaan Tunku Tun Aminah di kampus induk, Parit Raja, Johor.

UTHM diwakili Naib Canselor, Profesor Dr Wahid Razali manakala STM pula diwakili Pengurus Besar, Tan Chun Sheng.

Hadir sama, Timbalan Naib Canselor (Penyelidikan

dan Inovasi) UTHM, Profesor Dr Ruzairi Abdul Rahim; Dekan Fakulti Kejuruteraan Elektrik dan Elektronik, Profesor Madya Dr Rosli Omar dan Timbalan Pengurus Besar STM, Yoong Wee Shern.

Antara kandungan penting MoU itu ialah STM akan menyumbangkan mesin pengikatan dawai kepada UTHM untuk tujuan latihan akademik dan juga penyelidikan berimpak tinggi.

Manakala tenaga akademik, penyelidik dan pelajar UTHM pula diberi peluang menjalankan latihan industri di kilang STMicroelectronics, Tanjung Agas, Muar, Johor.

Dalam majlis itu Dr Wahid berkata, universiti menghargai dan menyokong penuh kolaborasi itu kerana mampu membuka peluang kepada penyelidik UTHM untuk menyumbangkan idea serta

tenaga dalam pembangunan sistem aplikasi pintar. "Melalui kerjasama strategik ini, proses pemindahan teknologi terkini dari industri ke universiti dapat dijalankan secara langsung.

"Bukan sahaja warga kampus mendapat manfaat hasil kerjasama ini, malah masyarakat setempat terutama sekolah berdekatan juga akan mendapat tempilannya melalui penganjuran aktiviti tanggungjawab sosial (CSR) yang akan dilakukan bersama kelak," katanya.

Selain itu, kerjasama itu juga bertujuan merencanakan lagi program STEM pada peringkat sekolah sekitar daerah Batu Pahat dan Muar.

Pendedahan teknologi terkini hasil daripada penyelidikan IoT boleh menjadi pendorong kepada pelajar sekolah untuk mendalami



WAHID (empat dari kiri) dan Tan (lima dari kanan) menunjukkan MoU antara UTHM dengan STM.

bidang STEM yang amat diperlukan negara.

Sementara itu, Tan turut melahirkan ucapan terima kasih atas kesediaan UTHM yang mahu bekerjasama dengan syarikatnya bagi membangunkan lebih banyak produk inovasi yang boleh diterima pakai dan

dikomersialkan di pasaran global.

Menurut beliau, kolaborasi itu akan memberi faedah kepada STM apabila penyelidik dan pelajar dapat terabit dalam penyelidikan yang dilakukan.

"Bermakna STM tidak akan kekurangan tenaga

kerja mahir untuk menyiapkan projek yang diminta pelanggan.

"Kemahiran jurutera STM juga boleh terus dipertingkatkan sesuai dengan permintaan semasa melalui kursus jangka pendek yang boleh diberikan tenaga akademik UTHM," katanya.

Harian Metro 19 Ogos 2019

Mahasiswa OKU berjiwa besar

BATUPAHAT - Lumpuh kaki dan tangan sejak dilahirkan tidak menjadi penghalang kepada seorang mahasiswa baharu di Universiti Tun Hussein Onn Malaysia (UTHM) Kampus Cawangan Pagoh untuk mencapai cita-citanya sebagai pakar Teknologi Maklumat.

Muhammad Izzat Hanafi Suhaili, 18, yang juga bekas pelajar Pendidikan Khas Sekolah Menengah Kebangsaan (SMK) Sungai Abong, Muar, berkata, walaupun

pun berstatus orang kelainan upaya (OKU) hasratnya untuk menyambung pengajian di UTHM tidak pernah padam.

"Sebenarnya saya sudah lama menyimpan hasrat melanjutkan pengajian di UTHM dan selepas memperoleh keputusan cemerlang dalam Sijil Pelajaran Malaysia (SPM) tahun lalu saya terus UTHM sebagai pilihan pertama melanjutkan pelajaran di peringkat diploma.

"UTHM mempunyai tenaga pengajar yang pro-

fesional dalam bidang ini," katanya ketika ditemui pada Minggu Transformasi Mahasiswa UTHM baru-baru ini.

Muhammad Izzat Hanafi mengakui bukan mudah menyambung pengajian di universiti kerana dia memerlukan bantuan.

Bagaimanapun, dia telah dimaklumkan bahawa UTHM telah menyediakan fasiliti lengkap kepada golongan OKU bagi memudahkan urusan masing-masing terutama untuk ke kuliah.

Kenyataan ini turut disokong oleh Pensyarah Fakulti Sains Gunung dan Teknologi UTHM, Prof Madya Dr Zaidi Embong yang juga OKU dan menurutnya, UTHM Kampus Cawangan Pagoh telah menyediakan kemudahan 'mesra OKU' agar golongan ini dapat belajar dengan selesa sehingga tamat pengajian.



SINAR HARIAN 9-7-19

UTUSAN MALAYSIA • 10 JULAI 2019

MEGA MIMBAR 21

HOJAH GADUT mengagihkan jilbab sebagai tanda penghargaan kepada para penuntut di Taman Universiti, Parit Raja ke Masjid Sultan Ibrahim UTHM.

Jalan baharu Masjid Sultan Ibrahim UTHM

Projek di bawah Wakaf Pasaran UTHM dilaksanakan bertujuan memudahkan penuntut setempat dan kakitangan UTHM untuk ke Masjid Sultan Ibrahim bagi mematuhi perintah agama.

“UTHM berhasrat projek yang signifikan mengikut jubah ditengking bagi memudahkan orang ramai untuk mematuhi perintah agama tanpa perlu melalui jalan yang sempit dan berkelok-kelok.”

PERSEKUTUAN jalan raya baharu ini merupakan projek yang signifikan mengikut jubah ditengking bagi memudahkan orang ramai untuk mematuhi perintah agama tanpa perlu melalui jalan yang sempit dan berkelok-kelok.

U MAT Islam di Universiti Tun Hussein Onn Malaysia (UTHM) akan mempunyai kemudahan jalan raya baharu di Taman Universiti, Parit Raja ke Masjid Sultan Ibrahim UTHM.

Projek pembinaan jalan raya ini yang corakan kos sebanyak RM500,000 turut melibatkan kerja pengiraan, reka bentuk, pembinaan, pemasangan tanah, meletakkan dan melengkapkan jalan termasuk kerja pembinaan pos pengiraan keselamatan baharu di tempat letak kereta di kawasan masjid.

Projek di bawah Wakaf Pasaran UTHM dilaksanakan bertujuan memudahkan penuntut setempat dan kakitangan UTHM untuk ke Masjid Sultan Ibrahim bagi mematuhi perintah agama.

Projek ini merupakan jalan raya baharu yang ditaja oleh UTHM dan akan melibatkan kerja pembinaan tanah, meletakkan dan melengkapkan jalan termasuk kerja pembinaan pos pengiraan keselamatan baharu di tempat letak kereta di kawasan masjid.

Projek di bawah Wakaf Pasaran UTHM dilaksanakan bertujuan memudahkan penuntut setempat dan kakitangan UTHM untuk ke Masjid Sultan Ibrahim bagi mematuhi perintah agama.

Projek ini merupakan jalan raya baharu yang ditaja oleh UTHM dan akan melibatkan kerja pembinaan tanah, meletakkan dan melengkapkan jalan termasuk kerja pembinaan pos pengiraan keselamatan baharu di tempat letak kereta di kawasan masjid.

KAMPUS UOLS

Naib Canselor UTHM seru warga kampus hayati dan amal budaya 'Endah'.

SURIA YATI BAHAROM, UTHM | Jumaat | 2 Ogos 2019

NAIB Canselor Universiti Tun Hussein Onn Malaysia (UTHM), Profesor Ts. Dr. Wahid Razali menyeru warga kampus untuk mengamalkan budaya ENDAH atau Care dalam melaksanakan tugas harian bagi meningkatkan lagi mutu perkhidmatan masing-masing.

Beliau berkata demikian ketika berlangsungnya Majlis Refleksi Setengah Tahun UTHM pada 28 Julai lalu bertempat di Dewan Sultan Ibrahim, kampus induk UTHM.

ADVERTISING Majlis yang mengumpulkan warga UTHM kampus induk dan Kampus Cawangan Pagoh itu merupakan suatu wadah untuk Naib Canselor menyampaikan amanat dan visi beliau kepada warga universiti.

Dalam pertemuan kali ini, beliau menggunakan pendekatan manusiawi (human approach) dengan memberikan penekanan berkaitan per penting sifat 'Endah' dalam kalangan warga universiti.

Beliau menggariskan enam aspek pengalaman budaya Endah yang mampu melonjak nama UTHM iaitu Endah terhadap Kualiti Kerja, Integriti dan Reputasi Universiti, Wargu Orang Kelainan Upaya (OKU), Kesihatan, Kelestarian Sumber dan Khidmat Komuniti.

Menurut Dr. Wahid, budaya Endah sekiranya disemai dan diamalkan dalam diri masing-masing, ia mampu mewujudkan suasana bekerja yang harmoni dalam kalangan warga UTHM sekali gus dapat

meningkatkan lagi produktiviti organisasi. Peningkatan produktiviti UTHM amat diiktirafkan oleh Naib Canselor bagi memastikan peranan universiti untuk masyarakat dapat dilaksanakan selari dengan hasrat Menteri Pendidikan, Dr. Maszlee Malik.

"Nilai Endah merupakan satu daripada enam nilai utama UTHM (Core values) termasuklah nilai Cemerlang, Lestari, Kreatif dan Inovatif, jujur dan integriti serta Keterlibatan. Kesemua nilai ini seharusnya menjadi amalan bersama oleh semua warga universiti.

"Saya juga ingin mengingatkan semua agar mengamalkan sikap kerjasama dan bekerja secara berpasukan untuk mencapai impian dan sasaran tahunan yang telah ditetapkan," tambahnya lagi.

Turut dibincangkan, laporan pencapaian Petunjuk Prestasi Utama (KPI) 2019 bagi setengah tahun yang mencatatkan beberapa rekod untuk perhatian dan tindakan seluruh warga.

Dr. Wahid dalam ucapannya juga turut merumuskan secara keseluruhannya, KPI Utama UTHM sehingga 30 Jun lalu menunjukkan pencapaian yang memberangsangkan, namun perhatian yang lebih perlu diberikan kepada kluster yang belum mencapai sasaran.

KAMPUS UOLS

Lakar sejarah! Penyelidik RECESS, UTHM Timbalan Presiden IPA

SURIA YATI BAHAROM, UTHM | Isnin | 8 Julai 2019



Dr. Nor Azizi (kiri) bergambar bersama sebahagian Ahli Lembaga Pengarah IPA yang lain. (FOTO UTHM)

KETUA Pusat Kajian Tanah Lembur (RECESS), Institut Kejuruteraan Integrasi (I2E), Universiti Tun Hussein Onn Malaysia (UTHM), Ts. Dr. Nor Azizi telah terpilih sebagai salah seorang daripada empat Timbalan Presiden International Press-In Association (IPA) bagi tahun 2019 hingga 2020 ketika berlangsungnya Mesyuarat Ahli Lembaga Pengarah pada 4 Julai lalu di Shinagawa, Tokyo, Jepun.

Seramai 27 Ahli Lembaga Pengarah telah dilantik bagi tahun 2019-2020 dari seluruh dunia dan Dr. Nor Azizi merupakan salah seorang ahli lembaga pengarah IPA yang dilantik.

Sidang mesyuarat turut melantik tiga Timbalan Presiden yang lain iaitu Profesor Dr. Tatsunori Matsumoto dari Kanazawa University, Jepun; Profesor Dr. Leung Chun Fai dari National University of Singapore, Singapura dan Profesor Dr. David White dari Southampton University, United Kingdom.

Untuk rekod, Dr. Nor Azizi merupakan Timbalan Presiden beragama Islam pertama di dunia dan rakyat Malaysia yang pertama diberi pengiktirafan ini.

Menurut Dr. Nor Azizi, beliau gembira dengan kesungguhan masyarakat Jepun dalam mencipta sesuatu kejayaan.

"Mereka sanggup bekerja keras dan bersungguh-sungguh mengatasi liku-liku cabaran yang ada sehingga berjaya selain mampu bekerjasama dengan pakar-pakar dalam bidang berbeza dengan baik sekali.

"Bagi saya di Malaysia 'Dasar Pandang Ke Timur' perlu diberi nafas baru. Budaya positif masyarakat Jepun ini baik untuk diasimilasikan di negara kita, bahkan dalam budaya Islam dan budaya Melayu itu sendiri bagi mencorakan kejayaan yang lebih luar biasa," katanya.

Beliau turut mengucapkan terima kasih kepada UTHM dan Kementerian Pendidikan Malaysia atas sokongan yang positif untuk amanah yang dipertanggungjawabkan ini dan berharap hubungan dua hala antara Jepun dan Jepun akan menjadi lebih akrab melalui penglibatan ini.

Kreativiti menjana pendapatan: bantu pelajar tangani isu kos sara hidup di Universiti



Profesor Madya Dr. Haryati Shafii,
Jabatan Pengurusan Pembinaan,
Fakulti Pengurusan Teknologi dan Perniagaan,
Universiti Tun Hussein Onn Malaysia.

Peningkatan kos sara hidup yang dialami oleh rakyat turut dialami oleh sebahagian besar pelajar di institusi pengajian tinggi (IPT) di Malaysia. Satu makanan, berpuasa, makan mee segera dan skip waktu makan merupakan kaedah yang digunakan oleh pelajar bagi mengurangkan atau sebagai penyelesaian bagi mengatasi masalah kewangan.

Kebanyakan pelajar yang dilaporkan mengalami masalah ini adalah berasal dari kumpulan keluarga B40. Kemelut kepada pemasalahan ini telah menyebabkan pelbagai inisiatif telah dijalankan oleh pihak universiti bagi mengurangkan bebanan kewangan pelajar.

Prihatin akan permasalahan ini, Universiti Tun Hussein Onn Malaysia (UTHM) telah memperkenalkan beberapa program bagi membantu pelajar kurang bernasib baik. Antaranya seperti program bantuan zakat, Tabung Wang Ehsan (TWE), Tabung Kebajikan Pelajar, Skim Pelajar Bekerja, pemberian roti dan pisang, sumbangan makanan percuma dan program "Sabil Al-Hikmah" yang melibatkan pemberian makanan percuma harian. Inisiatif ini ternyata berjaya mengurangkan serba sedikit masalah kewangan pelajar dalam mendapatkan makanan.

Walaupun demikian, inisiatif ini adalah bersifat "pasif" kerana satu pihak memberi dan satu pihak yang menerima. Apa yang boleh disarankan adalah supaya para pelajar ini mampu berdikari dalam erti kata yang lain mampu survive kehidupan mereka di kampus walaupun tanpa bantuan makanan daripada pihak universiti.

Peranan Pusat Perniagaan dan Keusahawanan, UTHM

Di UTHM pelbagai program telah dibangunkan iaitu bagi menggalakkan para pelajar menjana pendapatan lebih sambil belajar. Walaupun core business mereka adalah belajar, namun dalam masa yang sama mereka boleh mengambil peluang dengan menjalankan aktiviti perniagaan bagi menampung kos sara hidup di kampus. Langkah ini disambut baik oleh para pelajar kerana selain daripada menambah income, mereka juga mendapat asas perniagaan secara langsung. Pusat Perniagaan dan Keusahawanan yang beroperasi di UTHM, diketuai oleh Pengarahnya iaitu Profesor Madya Sr. Dr. Abdul Jalil Omar, sentiasa membuka ruang kepada pelajar UTHM yang berminat untuk menjalankan perniagaan. Mereka akan diberi bimbingan secara formal dan tidak formal.

Kreativiti Menjana Pendapatan

Langkah yang dijalankan oleh UTHM wajar diberi sokongan memandangkan penglibatan pelajar dalam perniagaan semakin meningkat setiap tahun. Asas keusahawanan yang diterapkan sejak dari awal mampu mendedahkan pelajar "deal" dengan "client," pengurusan kewangan: untung-rugi, pengalaman berniaga dan jaringan keusahawanan. Pelbagai jenis perniagaan yang diusahakan oleh para pelajar antaranya makanan untuk sarapan pagi dan makan tengahari seperti nasi lemak, bihun dan mee goreng dan roti sandwich, minuman dan makanan ringan, kraftangan, pakaian dan barangan kosmetik. Walaupun usaha ini dijalankan secara kecil-kecilan, namun mereka mampu menjana income dan dalam masa yang sama dapat membantu rakan mereka dengan menawarkan kerja "Part time" seperti membekalkan produk makanan dan menjaga kios yang biasanya dibayar upah mengikut jam.

Persekitaran Yang Menyokong Kepada Kreativiti Pelajar

Langkah Fakulti Pengurusan Teknologi dan Perniagaan (FPTP) membantu para pelajar dalam menjana income seharusnya dicontohi oleh universiti yang lain. Fakulti ini telah menyediakan satu ruang khusus bagi memberi peluang dan ruang kepada pelajar untuk berniaga. Kafetaria yang terletak di aras satu bangunan FPTP ini, bukan sahaja memperlihatkan kreativiti pelajar untuk berniaga, bahkan fakulti ini turut menyediakan kerusi, meja dan sudut perbincangan. Dilengkapi dengan kemudahan penghawa dingin, dekorasi yang menarik, serta disediakan penapis air dan makanan percuma yang disumbangkan oleh para pensyarah fakulti. Kafetaria ini beroperasi setiap hari kecuali pada hari cuti umum dan cuti semester. Kedudukan kafetaria yang strategik dan selesa bukan sahaja memudahkan para pelajar fakulti ini mendapatkan makanan, bahkan para pensyarah turut menyokong dengan membeli makanan yang dijual oleh para pelajar. "Membeli sambil Menyumbang" adalah konsep yang diamalkan oleh pensyarah FPTP.

UTHM berharap langkah membantu pelajar yang mengalami masalah kewangan melalui kaedah "berniaga" ini dapat mengurangkan beban mereka. Sistem dan persekitaran universiti juga harus turut sama mendokong usaha ini supaya pelajar berjaya dengan usaha mereka sekali gus mendapat pengalaman asas keusahawanan.

Program Setulus Kasih TNC HEPA 'Pasti Skor' bantu tingkatkan semangat pelajar

BATU PAHAT- Pejabat Timbalan Naib Canselor (Hal Ehwal Pelajar dan Alumni), Universiti Tun Hussein Onn Malaysia (UTHM) menzahirkan keprihatinannya dengan menganjurkan program Setulus Kasih TNC HEPA 'Pasti Skor' bertempat di Dewan Sultan Ibrahim, kampus induk bermula pada 16 Jun lalu bagi membantu meningkatkan semangat pelajar menghadapi peperiksaan.

Program yang dilaksanakan di kampus induk dan kampus cawangan Pagoh ini merupakan kali kedua dianjurkan ketika bermulanya minggu peperiksaan akhir semester di universiti ini.

Program ini merupakan inisiatif kepimpinan HEPA UTHM menyantuni para pelajar pada minggu peperiksaan dengan pemberian makanan seperti pisang, roti dan air minuman selain kata-kata motivasi sebagai pendorong semangat.

Menurut Timbalan Naib Canselor (HEPA), Profesor Madya Dr. Afandi Ahmad pemberian ini merupakan salah satu cara pihak kepimpinan dan pengurusan universiti mendekati pelajar untuk beramah mesra sebelum mereka masuk ke dewan peperiksaan.



"Pemberian ini tidaklah seberapa, namun ukiran senyuman di wajah anak-anak pelajar sebelum menduduki peperiksaan itu sudah cukup membuatkan kami gembira," katanya.

Program ini juga salah satu usaha murni untuk menyemai budaya kegembiraan, kasih sayang dan saling menghormati selari dengan iltizam Kampus Amal (KAMIUTHM) sebagai DNA kecemerlangan warga UTHM.

Pemberian makanan kepada pelajar diketuai oleh Profesor Madya Dr. Afandi serta dibantu oleh pegawai-pegawai HEPA. Hadir sama menemui para pelajar Naib Canselor UTHM, Profesor Datuk Ts. Dr. Wahid Razzaly.



BATU PAHAT – Kelab Warisan Universiti Tun Hussein Onn Malaysia (UTHM) menyantuni golongan miskin dan anak-anak yatim dengan menyalurkan bantuan raya bagi menceriakan lagi sambutan hari lebaran yang bakal tiba. Sebahagian ahli daripada Kelab Warisan telah menyertai misi menyalurkan bantuan berupa barangan keperluan kepada golongan miskin sekitar Batu Pahat pada 23 Mei lalu. Barangan keperluan harian yang bernilai hampir RM5000 tersebut ditaja oleh Syarikat Faiza Sdn. Bhd. dan juga sumbangan daripada orang ramai yang prihatin.

Manakala pada 24 Mei lalu, kelab ini juga sekali lagi melaksanakan projek amal "Bantuan Hari Raya" kepada anak-anak yatim dan penghuni Rumah Amal Thuyurul Jannah, Kluang, Johor. Program yang melibatkan 20 pelajar UTHM bersama seorang pegawai pengiring, Encik Rosdi Abdullah ini dilaksanakan dengan membawa keluar anak-anak yatim di rumah tersebut untuk membeli pakaian dan kasut raya di sebuah pasaraya.

Program yang diketuai oleh M Amirul Asyraf Khairuddin dan dibantu oleh Anis Nadiyah Rahmat, Nur Aliessa Azalan dan Nur Farhana Jakhsan@ikhshan ini mendapat tajaan daripada Kedai Kasut XES, restoran makanan segera McDonald's dan sumbangan orang ramai yang bernilai

Kelab Warisan UTHM santuni anak-anak yatim dan golongan miskin



hampir RM5000. Kumpulan sukarelawan tersebut juga turut meluangkan masa melayani anak-anak yatim dengan beberapa aktiviti seperti memasak, mewarna dan bercerita selain berbuka puasa bersama-sama.

"Walaupun kelab ini merupakan sebuah kelab kebudayaan, pelaksanaan program amal sebegini menjadi rutin tahunan setiap kali Ramadan tiba kerana setiap ahlinya diterapkan dengan nilai-nilai kemanusiaan. "Para pelajar bidang Kejuruteraan yang menyertai kelab Warisan ini sangat aktif dalam bidang seni tari, teater dan muzik namun penglibatan ini turut mendorong mereka mencari dana dan tajaan luar dengan pelbagai cara termasuk membuat persembahan bagi menampung kos perbelanjaan program amal," kata Rosdi.

Lumpuh anggota badan bukan penghalang untuk sambung pengajian - Izzat



PAGOH – Lumpuh anggota kaki dan tangan sejak dilahirkan tidak menjadi penghalang kepada bekas pelajar pendidikan khas SMK Sungai Abong, Muar, Muhammad Izzat Hanafi Suhaili, 18 merealisasikan hasratnya untuk melanjutkan pengajian ke peringkat diploma di Universiti Tun Hussein Onn Malaysia (UTHM).

Izzat yang mengalami masalah ketidakupayaan pergerakan tangan dan kaki tidak menjadikan kekurangan itu sebagai satu halangan kepada beliau untuk menjadi seorang pakar dalam bidang teknologi maklumat satu hari kelak.

Izzat yang memperolehi keputusan cemerlang dalam Sijil Pelajaran Malaysia (SPM) di sekolahnya tahun lepas memilih UTHM sebagai pilihan pertama bagi melanjutkan pelajaran di peringkat diploma.

"Saya memilih belajar di UTHM kerana universiti ini sememangnya mempunyai tenaga pengajar yang profesional dalam bidang teknologi maklumat.

"Memang bukan mudah untuk orang kelainan upaya (OKU) seperti saya untuk menyambung pengajian di universiti kerana saya sentiasa memerlukan bantuan orang lain untuk menjalani kehidupan seharian, tetapi saya sedia menahut cabaran ini," katanya ketika ditemui di program Minggu Transformasi Mahasiswa (MTM) baru-baru ini.

Tambah Izzat lagi, dia dimaklumkan UTHM telah menyediakan kemudahan fasiliti yang lengkap kepada golongan OKU bagi memudahkan urusan masing-masing terutama untuk ke kuliah.

Kenyataan ini turut disokong oleh Pensyarah Fakulti Sains Gunaan dan Teknologi, Profesor Madya Dr. Zaidi Embong yang juga golongan OKU. Menurut beliau UTHM kampus Cawangan Pagoh telah menyediakan kemudahan yang sepatutnya supaya golongan ini dapat belajar dengan selesa sehingga tamat pengajian.

"Pihak universiti dan warganya sangat prihatin terhadap golongan seperti kami, ditambah pula dengan kewujudan rakan-rakan sekeliling yang selalu membantu memudahkan pergerakan saya ke kelas untuk mengajar," tambah beliau.

Izzat yang baharu sahaja mendaftar di UTHM pada 30 Jun lalu dikhabarkan pernah mewakili sekolah dalam pertandingan yang bertemakan teknologi maklumat kategori Pendidikan khas di peringkat kebangsaan dan berjaya memperolehi tempat ketiga dalam pertandingan tersebut.

Pelajar ini sempat menyatakan harapannya untuk menjadi seorang penuntut yang cemerlang sekali gus dapat membanggakan ibu dan ayah serta universiti.



Pelajar Sarjana Muda FAST bentang kertas penyelidikan di 30TH Intervarsity Biochemistry Seminar 2019



PAGOH – Lima pelajar tahun tiga Ijazah Sarjana Muda Sains (Kepelbagaian Biologi dan Pemuliharaan) (3BWW), Fakulti Sains Gunaan dan Teknologi (FAST), Universiti Tun Hussein Onn Malaysia (UTHM) kampus cawangan Pagoh telah membentangkan kertas penyelidikan ketika menyertai 30th Intervarsity Biochemistry Seminar 2019 (IBS 2019) anjuran University of Nottingham Malaysia.

Seminar dengan kerjasama Malaysian Society for Biochemistry and Molecular Biology (MSBMB) yang berlangsung pada 4 Mei lalu melibatkan penyertaan 54 peserta daripada 14 universiti yang telah dan sedang menjalankan projek tahun akhir sarjana muda (PSM).

Seminar peringkat kebangsaan ini dianjurkan bertujuan membentangkan projek-projek tahun akhir program ijazah sarjana muda selain memberi peluang kepada para penyelia serta para pelajar untuk menjalin kerjasama dengan pakar-pakar yang mempunyai kaitan dalam bidang penyelidikan masing-masing.

FAST diwakili oleh tiga kumpulan melibatkan lima pelajar berdasarkan subjek elektif iaitu Pengurusan Ekosistem, Warisan Alam Semulajadi dan Sains Herba. Kelima-lima pelajar yang menyertai seminar tersebut berada di bawah seliaan Ts. Dr. Kamarul Rahim Kamarudin, pensyarah Panel Sumber Semulajadi FAST.

Tiga daripada lima tajuk yang telah dibentangkan berkait rapat dengan geran industri UTHM bertajuk "Development Of Nature Tourism Product Towards Sustainable Conservation Of Biodiversity In Pulau Tinggi,

Mersing, Johor" yang diketuai oleh Dr. Muhammad Abdul Latiff Abu Bakar, juga merupakan pensyarah Panel Sumber Semulajadi FAST.

Untuk pembentangan lisan, Nur Sabrina Badrulhisham telah membentangkan kertas kerja bertajuk "Genetic Diversity of Bacteria Associated with Longevity Spinach Leaves" manakala Nur Amira Shafiq Rosli dengan kertas kerjanya bertajuk "Morphological and Molecular Species Identification of Cephalopods from Johor".

Tiga pembentang poster pula melibatkan Muhammad Asyraf Azahar dengan tajuk "Morphological and Molecular Species Identification of Marine Fishes from Johor," Nur Insyirah Rossaliza Yap dengan tajuk "Aquatic Insects of Sungai Kawal: From Traditional Knowledge to Science" dan Nor Shahida Ab Rahman pula dengan tajuk "Morphological Species Identification of Sea Cucumbers from Pulau Tinggi, Johor".

Pihak fakulti berharap agar penyertaan para pelajar program sarjana muda UTHM di peringkat kebangsaan seperti ini dapat dituruti oleh pelajar lain pada tahun-tahun akan datang sekali gus sebagai salah satu usaha untuk meningkatkan visibiliti dan nama baik UTHM.

Selain itu, penyertaan pelajar dalam pembentangan ini diharap dapat meningkatkan lagi kemahiran komunikasi mereka sebelum bergraduasi sebagai persediaan memasuki alam pekerjaan. – Ts. Dr. Kamarul Rahim bin Kamarudin

UTHM raih 10 pingat di ITEX 2019

BATU PAHAT - Pasukan Penyelidik Universiti Tun Hussein Onn (UTHM) berjaya meraih 10 pingat ketika menyertai Pameran Rekacipta, Inovasi dan Teknologi Antarabangsa (ITEX) 2019 yang berlangsung pada 2 hingga 4 Mei lalu di Pusat Konvensyen Kuala Lumpur (KLCC).

Pada tahun ini UTHM menghantar sebanyak 10 produk inovasi untuk dipertandingkan dan kesemuanya berjaya mendapat tempat dengan meraih empat pingat emas dan enam pingat perak.

Pengarah Pusat Inovasi dan Pengkomersilan (ICC) UTHM, Profesor Madya Dr. Nik Hisyamudin Muhd Nor berkata dengan menyertai pameran ini para penyelidik dapat meningkatkan lagi inisiatif, inovasi dan pencapaian mereka dalam bidang penyelidikan.

"Penyertaan UTHM di ITEX 2019 ini memberi ruang dan peluang kepada para penyelidik untuk mendapat pengiktirafan, selain berupaya mempromosi serta mengkomersilkan teknologi dan inovasi terkini yang dihasilkan mereka," katanya.

"Penyertaan seumpama ini juga menjadi batu loncatan kepada para penyelidik untuk mengkomersilkan hasil penyelidikan mereka sekali gus menjadi penyumbang kepada penajaan pendapatan universiti," tambahnya lagi.

Untuk rekod, pameran pertandingan ini dianjurkan oleh Malaysian Invention and Design Society (MINDS) dengan kerjasama strategik C.I.S Network Sdn. Bhd. serta mendapat sokongan penuh daripada Kementerian Tenaga, Sains, Teknologi, Alam Sekitar dan Perubahan Iklim (MESTECC) dan Kementerian Pendidikan Malaysia (KPM) serta turut diiktiraf oleh Malaysia Research Assessment Instrument (MyRA).

Lebih 1,000 reka cipta dari pelbagai universiti, badan-badan korporat serta individu dari pelbagai negara ASEAN dan Asia seperti Taiwan, Thailand, Bangladesh, Yemen, Hong Kong, Indonesia, Qatar, Vietnam, China, Laos dan Arab Saudi dipamerkan di ITEX 2019.



NO	PESERTA	TAJUK	PINGAT
1	Prof. Madya Ts. Dr. Norshuhaila Mohamed Sunar	Clean - Biobeads	Emas
2	Ts. Dr. Faridah Binti Kormin	Preggy Cookies	Emas
3	Ts. Muhammad Shukri Bin Ahmad	Rapid Modular Prototyping System (RAMPS)	Emas
4	Ts. Mohd Hatta Bin Hj. Mohamed Ali @ Md Hani	Adik-Adik Jawi : The Development of Mobile Learning Apps to Enhance Jawi Learning Experience for Preschool Towards Education 4.0	Emas
5	Dr. Muhammad Abdul Latiff Abu Bakar	PrimaTourism: Transforming Local Economy and Sustainable Conservation of Critically Endangered Banded Langur in Johor	Perak
6	Ts. Dr. Mohd Norzali Bin Hj Mohd	Automated Age at Death Estimation System From Microscopic Images of Long Bones	Perak
7	Dr. Shazarel Bin Shamsudin	Functional Products by Hot Equal Channel Angular Pressing (ECAP) of Solid-State Recycling	Perak
8	Dr. Nor Hafizah Ngajikin	Homecare Uric Acid Reader	Perak
9	Dr. Faridahanim Binti Hj. Ahmad	Digital Smart Campus at Fakulti Teknologi Kejuruteraan Universiti Tun Hussein Onn Malaysia	Perak
10	Dr. Nurmiza Binti Othman	Handsfree Shoulder Massager with Puchi-shiatsu Technique	Perak



Para Peserta yang memenangi Pingat Emas



Para Peserta yang memenangi Pingat Perak

UTHM bawa pulang tujuh pingat di elCC 2019

MELAKA - Jabatan Teknologi Maklumat, Pusat Pengajian Diploma, Universiti Tun Hussein Onn Malaysia (UTHM) telah berjaya meraih tujuh pingat di International E-Learning Carnival and Conference (elCC 2019) yang berlangsung pada 26 Jun lalu di Dewan UTeM 1, Kampus Teknologi, Universiti Teknikal Malaysia Melaka.

Tahun ini Jabatan Teknologi Maklumat, Pusat Pengajian Diploma (PPD) telah menghantar sebanyak tujuh penyertaan dan kesemuanya telah mendapat tempat dengan meraih empat pingat emas, dua pingat perak dan satu pingat gangsa.

Antara projek yang meraih pingat emas ialah Enhancing student's engagement and interest in the Al-Quran comprehension and interpretation through collaborative learning game (Qarin Warrior) yang diketuai oleh Rosfuzah Roslam, Kiddo Disleksia Mobile Application: A Dyslexia Screen Tool in Malay Language diketuai oleh Mohd Faizal Mohamed Nor, Development of Industrial Training Assessment System (ITAS) 2.0: A Step Forward to Educator 4.0 diketuai oleh Ts. Rafidah Mohd Hanifa dan e-sirah Siti Khadijah : The development of mobile apps for hearing-impaired students towards Education 4.0 diketuai oleh Juliana Mohamed.

Ketua Jabatan Teknologi Maklumat, Ts. Rafidah Mohd Hanifa berkata penyertaan tahun ini dijadikan sebagai pemangkin kepada pelajar untuk meningkatkan inovasi serta kreativiti masing-



masing dalam melaksanakan projek-projek akhir bagi program diploma.

"Pertandingan ini merupakan platform bagi mempromosi, meneroka serta berkongsi amalan terbaik dan kepakaran global dalam aplikasi e-pembelajaran di institusi pengajian tinggi" tambahnya.

Pertandingan kali ini turut diperluaskan dengan tambahan beberapa kategori seperti Virtual & Augmented Reality, Gamification, Blended Learning, Flipped Learning, Massive Open Online Course (MOOC), e-Assessment, Intelligent Tutoring System (ITS), Virtual Learning Environments (VLEs), Learning Management System (LMS), Personal Learning Environments (PLEs), e-Portfolios, Learning Analytic dan Global Classroom.

Untuk rekod, program yang melibatkan pertandingan, pameran dan persidangan ini terbuka kepada ahli akademik atau penyelidik dari institusi pendidikan awam dan swasta termasuk universiti, politeknik, kolej vokasional dan kolej komuniti.

UTHM dan STMicroelectronics Sdn. Bhd. jalin kerjasama dalam bidang STEM

Sebagai tanda sokongan kepada bidang Sains, Teknologi, Kejuruteraan dan Matematik (STEM), Universiti Tun Hussein Onn Malaysia (UTHM) bersama STMicroelectronics Sdn. Bhd. (STM) bersetuju untuk mengadakan program kerjasama dalam bidang akademik dan penyelidikan yang melibatkan mikropemproses dan aplikasi Internet of Things (IoT).

Bagi merealisasikan kolaborasi ini, satu majlis menandatangani perjanjian persefahaman (MoU) telah diadakan pada 29 Julai lalu bertempat di Aras 5, Perpustakaan Tunku Tun Aminah, kampus induk. UTHM diwakili oleh Naib Canselor, Profesor Datuk Ts. Dr. Wahid Razzaly manakala STM pula diwakili oleh Pengurus Besarnya, Tan Chun Sheng.

Hadir sama ke majlis tersebut Timbalan Naib Canselor (Penyelidikan dan Inovasi) UTHM, Profesor Ts. Dr. Ruzairi Abdul Rahim, Dekan Fakulti Kejuruteraan Elektrik dan Elektronik, Profesor Madya Dr. Rosli Omar dan Timbalan Pengurus Besar STM, Yoong Wee Shern.

Antara intipati penting dalam MoU ini adalah STM akan menyumbangkan mesin pengikatan dawai kepada UTHM untuk tujuan latihan akademik dan juga penyelidikan berimpak tinggi. Manakala tenaga akademik, penyelidik dan pelajar UTHM pula akan diberi peluang untuk menjalankan latihan sangkutan industri di kilang STMicroelectronics, Tanjong Agas, Muar.

Dalam majlis tersebut Wahid dalam ucapannya menyatakan pihak universiti amat menghargai dan menyokong penuh kolaborasi ini kerana ianya mampu membuka peluang kepada para penyelidik UTHM untuk menyumbangkan idea dan tenaga dalam pembangunan sistem aplikasi pintar.

"Melalui kerjasama strategik ini, proses pemindahan teknologi terkini dari industri ke universiti dapat dijalankan secara langsung," katanya.

Menurut beliau lagi, bukan sahaja warga kampus mendapat manfaat hasil kerjasama ini malah masyarakat setempat terutamanya sekolah-sekolah berdekatan juga akan mendapat tempasnya melalui penganjuran aktiviti tanggungjawab sosial (CSR) yang akan dilakukan bersama kelak.



Selain itu, kolaborasi ini juga bertujuan merencanakan lagi program STEM di peringkat sekolah sekitar daerah Batu Pahat dan Muar.

Pendedahan teknologi terkini hasil daripada penyelidikan IoT boleh menjadi pendorong kepada pelajar sekolah untuk mendalami bidang STEM yang amat diperlukan negara.

Sementara itu Tan pula dalam ucapannya turut melahirkan rasa terima kasih atas kesudian UTHM yang mahu bekerjasama dengan syarikatnya bagi membangunkan lebih banyak produk inovasi yang boleh diterima pakai dan dikomersialkan di pasaran global.

Menurut beliau, kolaborasi ini juga akan memberi faedah kepada STM yang mana penyelidik dan pelajar dapat terlibat sama dalam penyelidikan yang dilakukan.

"Dengan ini, STM tidak akan kekurangan tenaga kerja mahir untuk menyiapkan projek yang diminta oleh pelanggan."

"Kemahiran jurutera STM juga boleh terus dipertingkatkan sesuai dengan permintaan semasa melalui kursus jangka pendek yang boleh diberikan oleh tenaga akademik UTHM," tambah beliau.

Pasukan Mendayung UTHM Barracuda tawan tasik Bukit Merah, rangkul Johan Keseluruhan

BUKIT MERAH - Pasukan Mendayung Universiti Tun Hussein Onn Malaysia (UTHM) yang lebih dikenali dengan nama UTHM Barracuda menampilkan kelas tersendiri apabila berjaya merangkul Johan Keseluruhan bagi acara Mendayung Lelaki dan Perempuan di Karnival Sukan Air MASUM (Rowing dan Kayak) 2019.

Pasukan ini berjaya membawa pulang empat pingat emas, satu perak dan satu gangsa di karnival yang berlangsung pada 20 hingga 25 Ogos lalu bertempat di Bukit Merah Laketown Resort.

Pertandingan tersebut turut mendapat penyertaan daripada 10 universiti awam yang lain sekali gus menjadikan perlawanan antara pasukan bertambah sengit. Empat pingat emas berjaya dipungut melalui acara Men & Women Coxed Eight (8+) dan Men & Women Coxless Four (4-) manakala kutipan pingat perak dan gangsa pula melalui acara Women Single Scull (1x) dan Men Double Scull (2x).

Menurut penyelarasan sukan air UTHM, Shaid Jaffar anugerah Juara Keseluruhan ini merupakan kali ke tujuh berjaya diraih oleh pasukan ini di Karnival Sukan Air MASUM (Rowing & Kayak) sejak 2009.

"Kejayaan ini adalah hasil usaha dan komitmen daripada para atlet yang sanggup mengorbankan cuti semester untuk hadir ke latihan yang diadakan selama hampir sebulan," ujar beliau.

"Selain itu, tiga alumni UTHM yang juga bekas atlet Pasukan Mendayung UTHM Barracuda serta pihak pengurusan



sukan dan pengurusan tertinggi UTHM turut komited membantu pasukan ini dalam merangka serta menyusun program pembangunan dan prestasi pasukan," jelasnya lagi.

Sementara itu Timbalan Naib Canselor (Hal Ehwal Pelajar dan Alumni), Profesor Madya Dr. Afandi Ahmad juga menahirkan rasa gembira dengan kerjasama yang diberikan oleh alumni UTHM terhadap Pasukan Mendayung UTHM Barracuda dalam mempamerkan kesungguhan dan semangat juang yang tinggi di pentas Karnival Sukan Air MASUM (Rowing dan Kayak).

Beliau berharap selepas ini lebih ramai lagi penuntut universiti ini mampu mencipta kejayaan demi kejayaan dalam bidang sukan selain turut mengalu-alukan penglibatan alumni UTHM dalam membantu mempertingkatkan lagi prestasi sukan universiti pada masa akan datang.

Pesilat UTHM bawa pulang 2 pingat gangsa

KUANTAN: Dua pesilat Universiti Tun Hussin Onn Malaysia (UTHM), Ahmad Nur Farhan Ahmad Nordin dan Nur Adilah Mohamad Zamri yang mewakili Pusat Sukan Tumpuan (PST) Silat Kementerian Pendidikan Malaysia (KPM) berjaya meraih dua pingat gangsa di Kejohanan Silat Jemputan Antarabangsa Pahang 2019 Festival Silat Nusantara 2019 Pahang yang berlangsung di Pusat Beli-Belah Berjaya Megamall, Kuantan pada 6 Mei lalu.

Pada kejohanan itu, sebanyak 21 pasukan mengesahkan penyertaan termasuk penyertaan dari Kuala Lumpur, Kelantan, Terengganu serta institusi pengajian tinggi awam (IPTA).

Skuad Pahang A muncul johan keseluruhan bagi Silat Olahraga Jemputan Antarabangsa sempena Festival Silat Nusantara Pahang, Malaysia 2019 setelah berjaya meraih tujuh pingat iaitu tiga pingat emas, tiga perak dan satu gangsa.

Naib johan keseluruhan pula dimenangi oleh Ikatan Pencak Silat Indonesia (IPSI) Kepulauan Riau yang membawa pulang tiga emas dan tiga gangsa. Manakala, tempat ketiga dimenangi pesilat dari Singapura yang mengutip dua emas dan masing-masing dengan satu perak dan satu gangsa.

Bagi kategori remaja pula, Uzbekistan muncul johan apabila berjaya mengutip lima emas dan dua perak, naib



johan dimenangi Pahang Junior yang memungut empat emas dan tujuh perak manakala Kyrgyzstan di tempat ketiga dengan meraih dua emas dan dua perak.

Hadiah disampaikan oleh Pengerusi Jawatankuasa Sumber Manusia, Belia, Sukan dan Badan-badan Bukan Kerajaan Pahang, Datuk Seri Mohd Johari Hussain. Hadir sama, Yang Dipertua Persekutuan Silat Kebangsaan Malaysia (PESAKA) Pahang, Datuk Md Sohaimi Mohamed Shah dan Setiausaha Agung PESAKA negeri, Datuk Osman Nok.

UTHM berharap Pasukan PST Silat KPM akan terus berjaya dan dapat menjadikan pengalaman ketika menyertai kejohanan ini sebagai pemangkin kepada kejayaan di peringkat antarabangsa kelak.

“Maharaja Kurus Challenge 2.0” ajari warga kampus amal gaya hidup sihat

Bagi melahirkan warga universiti yang sihat dan cergas, pelbagai inisiatif telah dan akan dilaksanakan oleh Pusat Sukan Universiti Tun Hussein Onn Malaysia (PSU) untuk menjadikan sukan dan kecergasan sebagai sebahagian daripada gaya hidup dan amalan seharian.

Mengambil tanggungjawab ini, PSU telah menganjurkan Program “Maharaja Kurus Challenge” (MKC) yang telah memasuki edisi kedua penganjurannya. Untuk rekod, penganjur edisi pertama sebelum ini telah berjaya membantu para peserta menurunkan berat badan sekitar 5 hingga 7 kilogram sekali gus menyuntik semangat PSU untuk terus membantu lebih ramai lagi warga universiti dan komuniti untuk menikmati kualiti hidup yang lebih sihat.

Pegawai Belia dan Sukan Kanan, Farhawahidah Ahmad Puad berkata melalui MKC yang bermula pada 1 hingga 31 Julai ini, para peserta didedahkan dengan pelbagai teknik dan rutin senaman termasuk aktiviti fizikal dan bootcamp.

“Ilmu pemakanan yang sihat dan seimbang juga dipraktik dan ditekankan dalam tempoh ini termasuk pemantauan dan sokongan secara berkumpulan dengan menggunakan aplikasi whatsapp,” katanya.



Selain itu, program ini juga telah berjaya membantu mereka yang mempunyai masalah kesihatan yang lain seperti penyakit asma, kencing manis dan jantung.

“Dengan senaman dan latihan kecergasan selama satu bulan ini, pelbagai kesan positif dapat dilihat dalam kalangan peserta.

“Mereka semakin ‘enjoy’ dan teruja untuk terus terlibat dalam aktiviti sihat ini selain gembira dengan peratusan penurunan berat badan yang dicapai,” jelasnya lagi.

Menurut salah seorang peserta Muhamad Uzma Radzi, program ini banyak memberi kesedaran dan ilmu berguna kepadanya dalam mengamalkan pemakanan yang betul dan melakukan aktiviti outdoor yang sesuai mengikut kemampuan diri.

Tambahnya lagi, dengan bimbingan daripada coach yang terlatih dan kreativiti latihan yang pelbagai, para peserta tidak jemu dan semakin bersemangat untuk mengikuti program sehingga selesai.

PSU berharap program ini berjaya mencapai objektif dan matlamat penganjurannya serta mampu memberikan motivasi kepada lebih ramai lagi warga universiti untuk menurunkan berat badan ke paras unggul selain berupaya memupuk gaya hidup sihat dan mencegah penyakit berkaitan obesiti.

UTHM tuan rumah kejohanan hoki - cari bakat baru untuk pasukan kebangsaan



BATU PAHAT - Kelab Hoki Universiti Tun Hussein Onn Malaysia (UTHM) menganjurkan Kejohanan Hoki 6's terbuka bawah 11 tahun Edisi ketiga, Piala YB Datuk Dr. Shahrudin Md Salleh pada 12 hingga 14 Jun lalu bertempat di Padang Hoki, kampus induk.

Menurut Pengarah program, Indra Shahril Omar objektif utama kejohanan adalah untuk mengasah bakat pemain hoki bawah 11 tahun serta sebagai usaha memajukan lagi sukan hoki di Malaysia.

“Kejohanan ini dianjurkan bertujuan untuk mengasah bakat pemain selain mengenal pasti pemain-pemain yang mempunyai kebolehan untuk dijadikan pelapis kepada pasukan kebangsaan,” katanya.

Tambahan lagi, pihaknya mahu anak muda sentiasa aktif dalam permainan hoki dan dapat mewakili negeri masing-masing pada masa akan datang.

Sebanyak 74 pasukan terdiri daripada 38 pasukan lelaki dan 36 perempuan yang datang dari negeri Johor, Melaka, Negeri Sembilan, Pahang, Selangor, Wilayah Kuala Lumpur dan Pulau Pinang bertarung merebut Piala YB Datuk Dr. Shahrudin Md Salleh, bersama hadiah keseluruhan bernilai RM6,400. Kejohanan ini dibahagikan kepada tiga kategori iaitu Kategori individu, Silver Pool dan Gold Pool.


Kejohanan ini menyaksikan MBPJ Black Widow A (lelaki) dan MBPJ Black Widow (perempuan) meraih Johan bagi kategori Gold, manakala kategori Silver pula diraih oleh ST JOHN 2 bagi kategori lelaki dan Keratong Girls bagi kategori perempuan. Beberapa anugerah khas seperti Penjaring Gol Terbanyak, Penjaga Gol terbaik dan Pemain Terbaik turut diberikan kepada para pemain yang terpilih.

Menurut pemain terbaik kategori individu, Naufal Hazim Surwadi, kejohanan pada kali ini merupakan satu cabaran kepadanya kerana terlalu ramai pemain lain yang hebat di padang sehingga dia terpaksa mempraktikkan segala teknik dan kemahiran yang diajar oleh gurunya.

“Tahun ini banyak pemain-pemain hebat, saya cuba sedaya upaya untuk fokus dan gunakan teknik-teknik yang diajar oleh jurulatih bagi menumpaskan lawan dan akhirnya saya berjaya juga mendapatkan tempat untuk pasukan dan sekolah saya,” katanya.

Untuk rekod, kejohanan ini merupakan anjuran bersama Pejabat Pendaftaran dan Pusat Sukan UTHM, Pejabat Ahli Parlimen Sri Gading, Batu Pahat, Johor serta Persatuan Hoki Johor.

Penerbitan Terkini



AMENG : EPILOG TIRAI KEINSAFAN
Penulis:
Wan Aminuddin Wan Ismail




INTRODUCTION TO QUALITY MANAGEMENT
Penulis:
Sulaiman Hj. Hasan,
Sivaprakasam
Thamizhmanii, Ibrahim
Masood




MUDAHKAN PROJEK SARJANA MUDA (PSM) ANDA: SELESAIKAN KAJIAN DALAM TEMPOH 7 BULAN
Penulis:
Munzirah Md. Rohani,
Basil David Daniel,
Hartini Kasmin,
Mohamad Yusri
Aman, Nor Aizam Adnan

ANGKATAN PEMUDA INSAF
Penulis:
Hasfalila Hassan, Ishak
Saat



TEACHING SUBJECT-VERB AGREEMENT OF ENGLISH GRAMMAR: A HANDBOOK FOR TESL TEACHERS
Penulis:
Sarala Thulasi Palpanadan



SEXUAL OFFENCES: A COMPARATIVE TEXTUAL FOUNDATIONS
Penulis:
Mohamad Ismail
Mohamad Yunus